



Mandatno –imunitetska komisija

Broj: 02-02-1654-2/17

Datum: 23.10.2017. godine

Na osnovu člana 48. stav 1. tačka b) Poslovnika Gradskog vijeća Grada Sarajeva (“Službene novine Kantona Sarajevo”, broj 28/09), Mandatno - imunitetska komisija Gradskog vijeća, na sjednici održanoj 23.10.2017. godine, razmotrila je Odluku o prestanku mandata i dodjeli mandata sljedećem kvalificiranom kandidatu, broj: 06-1-07-1-299/17 od 11.10.2017. godine Centralne izborne komisije Bosne i Hercegovine, te je pripremila i Gradskom vijeću Grada Sarajeva upućuje na razmatranje sljedeću

INFORMACIJU

(radni materijal)

Dana 19.10.2017. godine, pod brojem 01-05-1645/17, zaprimljen je na protokol Gradskog vijeća Grada Sarajeva akt Centralne izborne komisije kojim se Gradskom vijeću Grada Sarajeva dostavlja Odluka o prestanku mandata i dodjeli mandata sljedećem kvalificiranom kandidatu, broj 06-1-07-1-299/17 od 11.10.2017. godine, koju je Centralna izborna komisija Bosne i Hercegovine donijela na svojoj 50. sjednici održanoj 11.10.2017. godine, s ovjerom pravosnažnosti 17.10.2017. godine i Uvjerjenje o dodjeli mandata vijećnika u Gradskom vijeću Adnan Gušo, broj 06-1-07-1-299/17 od 17.10.2017. godine.

U dispozitivu **dostavljene odluke, između ostalog, stoji:**

„(2) Upraznjeni mandat iz člana (1) dispozitiva ove Odluke dodjeljuje se Gušo Adnanu, sljedećem kvalificiranom kandidatu sa kandidatske liste grupe vijećnika Peštek, Gušo, Selimbegović, Vukadin.“

U obrazloženju **dostavljene odluke, između ostalog, stoji:**

„ S tim u vezi, na osnovu člana 13.10. stav (2) Izbornog zakona Bosne i Hercegovine i člana 25. stav 1. Statuta Grada Sarajeva i po poravosnažnosti ove Odluke, mandat vijećnika u Gradskom vijeću Grada Sarajeva dodjelit će se Gušo Adnanu, sljedećem kandidatu sa kandidatske liste grupe vijećnika Peštek, Gušo, Selimbegović, Vukadin za Gradsko vijeće Grada Sarajeva.“

Shodno odredbama člana 7. stav 3. i 4. Poslovnika Gradskog vijeća Grada Sarajeva (“Službene novine Kantona Sarajevo”, broj 28/09) stekli su se uvjeti da imenovani davanjem svečane izjave preuzme dužnost, te stekne prava i obaveze gradskog vijećnika.

PREDSJEDAVALA KOMISIJE

Snežana Omukić





Na osnovu člana 2.9 stav (1) tačka 10. Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine izdaje

UVJERENJE

GUŠO ADNAN

dobio je mandat vijećnika u GRADSKOM VIJEĆU GRADA SARAJEVA kao sljedeći kandidat, iz Općinskog vijeća Novi Grad Sarajevo.

Broj: 06-1-07-1-299/17

Sarajevo, 17.10.2017. godine




Predsjednica

Dr. Irena Hadžiabdić



Broj: 06-1-07-1-299/17
Sarajevo, 11.10.2017. godine
(F.S.)



Na osnovu člana 2.9 stav (1) tačka 14, a u vezi člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 11. i 15. Uputstva o dodjeli i prestanku mandata ("Službeni glasnik BiH", broj 37/14), te člana 25. stav (1) Statuta Grada Sarajeva („Službene novine Kantona Sarajevo“, broj: 34/08), u pravnoj stvari prestanka mandata Peštek Enesa, vijećnika u Gradskom vijeću Grada Sarajeva, Centralna izborna komisija Bosne i Hercegovine je na 50. sjednici, održanoj dana 11.10.2017. godine, donijela

ODLUKU

o prestanku mandata i dodjeli mandata sljedećem kvalificiranom kandidatu

(1) **Peštek Enesu**, vijećniku u Gradskom vijeću Grada Sarajeva, izabranom na Posrednim izborima 2016. godine sa kandidatske liste **grupe vijećnika Peštek, Gušo, Selimbegović, Vukadin**, utvrđuje se prestanak mandata sa danom 19.09.2017. godine.

(2) Upraznjeni mandat iz člana (1) dispozitiva ove Odluke dodjeljuje se **Gušo Adnanu**, sljedećem kandidatu sa kandidatske liste grupe vijećnika Peštek, Gušo, Selimbegović, Vukadin.

Obrazloženje

Gradsko vijeće Grada Sarajeva dostavilo je Centralnoj izornoj komisiji Bosne i Hercegovine, dana 05.10.2017. godine, obrazac za utvrđivanje prestanka mandata izabranom članu tijela vlasti, propisno ispunjen od strane vijećnika Peštek Enesa, te potpisan i od strane predsjedavajućeg Gradskog vijeća Grada Sarajeva, a kojim je Peštek Enes, dana 19.09.2017. godine, podnio zahtjev za utvrđivanje prestanka mandata vijećnika u Gradskom vijeću Grada Sarajeva.

U telefonskom kontaktu sa Peštek Enesom potvrđena je vjerodostojnost i svojevrijnost podnesenog zahtjeva za utvrđivanje prestanka mandata u Gradskom vijeću Grada Sarajeva, u skladu sa članom 2.9 stav (1) tačka 14. Izbornog zakona Bosne i Hercegovine.


Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

S tim u vezi, a na osnovu člana 13.10 stav (2) Izbornog zakona Bosne i Hercegovine i člana 25 stav (1) Statuta Grada Sarajeva, mandat vijećnika u Gradskom vijeću Grada Sarajeva dodjeljuje se Gušo Adnanu, sljedećem kandidatu sa kandidatske liste grupe vijećnika Peštek, Gušo, Selimbegović, Vukadin, za Gradsko vijeće Grada Sarajeva.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine, člana 11. i člana 15. Uputstva o dodjeli i prestanku mandata i člana 25. stav (1) Statuta Grada Sarajeva, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.



Predsjednica

Dr. Irena Hadžiabdić

Dostavljeno:

- Peštek Enes,
- Gušo Adnan,
- Gradsko vijeće Grada Sarajeva, nakon pravomoćnosti,
- a/a.